



Pisorta qarfinni aamma Pisortat suliffe qarfiutaanni tamani sulisussanik atorfinitsisarnermi oqaatitsinnik, nunatsinni pissutsinikinooriaasitsinnillu ilisimasaqarnissap piumasaaqaatitut inissimalernissaannut periarfissat pillugit kingusinnerpaamik UPA2017-imi nassuiaammik saqqummiusseqqullugit Naalakkersuisut peqquneqarnissaannik Inatsisartut aaliangiiffigisaattut siunnersuut. (Taamaaliornikkut oqaatsitta kulturittalu ataqqineqarnissaannik inuiaqatigiit kalaallit pissusissamisoortumik piumasaaqaataat atorfinitsitsinerni ataqqineqarluni ator neqalissamat).

(Inatsisartunut ilaasorta q Vivian Motzfeldt -Siumut)

(Siullermeerneqarnera)

Siunnersuummut qujanaq.

Tamatta isumaqatigiissutigaarput Kalaallit oqaatsinik marlunnik atuisinnaasut ilinniagallit inuussutissarsiornermi annertunerusumik sunniuteqarlernissaat. Naalakkersuisut siunnersuummut akissuteqaataanni erserpoq oqaatsitgut pillugit nukittorsaanissamut siunertalimmik inatsimmik peqareersoq.

Demokraatinit isumaqarpugut qanorluunniit pingaartitaqaraluaaraanni piginnaassutsit aallaavigalugit suliffe qarfik atorfimmik inuttassarsiuussinerminut piumasaaqaateqartarnera pissusissamisoortoq. Taamattumik isumaqanngilagut pissusissamisuussasoq Naalakkersuisut pisorta qarfiit suliffe qarfiutaanni sulilersitsinissamut politikkiannut akulerutissasoq.

Taamatut oqaaseqarluta siunnersuut itigartinneqarnissaa inassutigaarput.